
OFFERYNNAU STATUDOL CYMRU

2006 Rhif 943 (Cy.92)

Y GWASANAETH IECHYD GWLADOL, CYMRU

**Rheoliadau'r Gwasanaeth Iechyd Gwladol (Ffioedd
am Gyffuriau a Chyfarpar) (Cymru) (Diwygio) 2006**

Wedi'u gwneud - - 28 Mawrth 2006
Yn dod i rym - - 1 Ebrill 2006

Mae Cynulliad Cenedlaethol Cymru, drwy arfer y pwerau a roddwyd gan adrannau 77, 83, 83A a 126(4) o Ddeddf y Gwasanaeth Iechyd Gwladol 1977(1), drwy hyn yn gwneud y Rheoliadau a ganlyn:

Enwi, cychwyn, cymhwyso a dehongli

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) (Diwygio) 2006 a deuant i rym ar 1 Ebrill 2006.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn, ystyr “y prif Rheoliadau” (“*the principal Regulations*”) yw Rheoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) 2001(2).

Diwygio rheoliad 8 o'r prif Rheoliadau

2.—(1) Diwygir rheoliad 8 o'r prif Rheoliadau (esemptiadau) fel a ganlyn.

-
- (1) 1977 p.49; gweler adran 128(1) fel y'i diwygiwyd gan Ddeddf y Gwasanaeth Iechyd Gwladol a Gofal Cymunedol 1990 (p.19) (“Deddf 1990”), adran 26(2)(g) ac (i), i gael y diffiniad o “prescribed” a “regulations”. Diwygiwyd adran 83 gan Ddeddf yr Awdurdodau Iechyd 1995 (p.17) (“Deddf 1995”), adran 1 ac Atodlen 1, paragraff 39 a chan O.S. 2000/90, erthygl 3(1) ac Atodlen 1, paragraff 13(1) a (4). Mewnosodwyd adran 83A gan Ddeddf Nawdd Cymdeithasol 1988 (p.7) (“Deddf 1988”), adran 14(1); ac fe'i diwygiwyd gan Ddeddf 1990, adran 66(1) ac Atodlen 9, paragraff 18(5)(a) a (b); gan Ddeddf Iechyd a Meddyginiaethau 1988 (p.49), adran 25 ac Atodlen 2, paragraff 6; gan O.S.1998/2385, erthygl 2 a chan Ddeddf 1995, adran 2(1) ac Atodlen 1, paragraff 40. Diwygiwyd adran 126(4) gan Ddeddf 1990, adran 65(2) a Deddf Iechyd 1999 (p.8) (“Deddf 1999”), Atodlen 4, paragraff 37(6). Diwygiwyd paragraff 1 o Atodlen 12 gan Ddeddf y Gwasanaethau Iechyd 1980 (p.53), adran 25(2) ac Atodlen 5, paragraff 1; gan Ddeddf 1988, adran 16 ac Atodlen 5; gan Ddeddf y Gwasanaeth Iechyd Gwladol (Gofal Sylfaenol) 1997 (p.46), adran 41(10) ac Atodlen 2, paragraff 31 a chan Ddeddf Iechyd a Gofal Cymdeithasol (Iechyd Cymunedol a Safonau) 2003 (p.43), adran 184 ac Atodlen 11, paragraffau 7 a 44. Trosglwyddwyd swyddogaethau'r Ysgrifennydd Gwladol o dan adrannau 77, 83, 83A a 126(4) o Ddeddf y Gwasanaeth Iechyd Gwladol 1977 a pharagraff 1 o Atodlen 12 iddi i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S.1999/672), erthygl 2 ac Atodlen 1, fel y'i diwygiwyd gan Ddeddf 1999, adran 66(4), Deddf Iechyd a Gofal Cymdeithasol 2001 (p.15), adran 68(1), Deddf Diwygio'r Gwasanaeth Iechyd Gwladol a Phroffesiynau Gofal Iechyd 2002 (p.17), adran 40(1) a Deddf 2003, adran 197(1).
- (2) O.S. 2001/1358 (Cy.86). Yr offerynnau diwygio perthnasol yw O.S. 2001/2359 (Cy.196), O.S. 2004/1018 (Cy.115) a 2004/1605 (Cy.164) ac O.S. 2005/427 (Cy.44) ac O.S. 2005/1915 (Cy.158).

(2) Yn lle paragraff (1) rhodder y canlynol—

“(1) Yn ddarostyngedig i baragraff (3), ni fydd ffi yn daladwy o dan reoliadau 3, 4, 6 neu 7 gan y canlynol—

- (a) person sydd o dan 16 oed;
- (b) person sydd o dan 19 oed sy'n derbyn addysg lawnamser gymwys o fewn ystyr paragraff 7 o Atodlen 12 i'r Ddeddf;
- (c) person sydd o dan 25 oed ac sy'n cyflwyno—
 - (i) ffurflen bresgripsiwn Gymreig, neu
 - (ii) swp-ddyroddiad sy'n ymwneud â phresgripsiwn amlroddadwy Cymreig;
- (ch) person sydd wedi cyrraedd 60 oed;
- (d) menyw sydd â thystysgrif esemptio ddilys a ddyroddwyd gan Fwrdd Iechyd Lleol ar y sail ei bod yn fam sy'n disgwyl neu sydd wedi rhoi genedigaeth yn ystod y deuddeg mis diwethaf i blentyn byw neu i blentyn y gellir cofrestru ei fod yn farwanedig o dan Ddeddf Cofrestru Genedigaethau a Marwolaethau 1953(3) neu sydd â thystysgrif esemptio ddilys a ddyroddwyd o dan drefniadau cyfatebol sy'n effeithiol yn Lloegr, yr Alban neu Ogledd Iwerddon;
- (dd) person sydd â thystysgrif esemptio ddilys a ddyroddwyd gan Fwrdd Iechyd Lleol ar y sail ei fod yn dioddef un neu fwy o'r cyflyrau canlynol—
 - (i) ffistwla parhaol (gan gynnwys caecostomi, colostomi, laryngostomi neu ileostomi) sy'n gwneud gorchuddion llawfeddygol neu gyfarpar yn ofynnol yn barhaol;
 - (ii) yr anhwylderau canlynol—
 - ffurfiau o hypoadrenaledd (gan gynnwys clefyd Addison) y mae therapi amnewid penodol yn hanfodol ar ei gyfer
 - diabetes insipidus a ffurfiau eraill o hypobidwitedd
 - diabetes mellitus — ac eithrio pan yw'r drinaeth drwy ddeiet yn unig
 - hypoarathyroidedd
 - myasthenia gravis
 - mycsoedema
 - (iii) epilepsi sy'n ei gwneud yn ofynnol i barhau â therapi gwrth-ddirdynol;
 - (iv) anabledd corfforol parhaus sy'n rhwystro'r claf rhag gadael ei breswylfa heb gymorth person arall;

neu gan berson sydd â thystysgrif esemptio ddilys a ddyroddwyd o dan drefniadau cyfatebol sy'n effeithiol yn Lloegr, yr Alban neu Ogledd Iwerddon;
- (e) person sydd â thystysgrif esemptio ddilys a ddyroddwyd gan y Cynulliad Cenedlaethol o ran cyflenwi cyffuriau a chyfarpar ar gyfer trin anabledd sydd wedi'i dderbyn, ond yn y naill achos neu'r llall dim ond o ran y cyflenwadau hynny y mae'r dystysgrif yn ymwneud â hwy;
- (f) person sydd â thystysgrif ragdalu ddilys neu dystysgrif ragdalu ddilys a roddwyd o dan drefniadau cyfatebol sy'n effeithiol yn Lloegr, yr Alban neu Ogledd Iwerddon”.

(3) Ym mharagraff (2)—

- (a) yn is-baragraff (a) yn lle “yn unrhyw un o is-baragraffau (a), (b) neu (d)” rhodder “yn unrhyw un o is-baragraffau (a) i (ch) neu (e)”;
- (b) yn is-baragraff (b) yn lle “is-baragraffau (a) i (dd)” rhodder “is-baragraffau (a) i (f)”.
- (4) Ym mharagraff (3A) yn lle “paragraff (1)(a) neu (b)” rhodder “paragraff (1)(a) i (ch)”.

Diwygio rheoliad 9 o'r prif Reoliadau

3.—(1) Diwygir rheoliad 9 o'r prif Reoliadau (Tystysgrifau esemptio — gwneud cais amdanynt a'u rhoi) fel a ganlyn.

- (2) Ym mharagraff (1)—
 - (a) yn lle “rheoliad 8(1)(c), (ch) neu (d)” rhodder “rheoliad 8(1)(d), (dd) neu (e)”;
 - (b) yn lle “is-baragraff (c) neu (ch)” rhodder “is-baragraff (d) neu (dd)”;
 - (c) yn lle “o dan is-baragraff (d)” rhodder “o dan is-baragraff (e)”.
- (3) Ym mharagraff (2) yn lle “is-baragraff (c)” rhodder “is-baragraff (d)”.
- (4) Ym mharagraff (3)—
 - (a) yn lle “rheoliad 8(1)(a) neu (b)” rhodder “rheoliad 8(1)(a) i (ch)”;
 - (b) yn lle “rheoliad 8(1)(ch)” rhodder “rheoliad 8(1)(dd)”.
- (5) Ym mharagraff (4) yn lle “rheoliad 8(1)(d)” rhodder “rheoliad 8(1)(e)”.

Diwygio rheoliad 10 o'r prif Reoliadau

- 4.—(1) Diwygir rheoliad 10 o'r prif Reoliadau (Tystysgrifau rhagdalau) fel a ganlyn.
- (2) Ym mharagraff (3) yn lle “rheoliad 8(1)(dd)” rhodder “rheoliad 8(1)(f)”.
- (3) Ym mharagraff (6)(a) yn lle “rheoliad 8(1)(b) i (d)” rhodder “rheoliad 8(1)(ch) i (e)”.
- (4) Ym mharagraff 10(a) yn lle “rheoliad 8(1)(b) i (d)” rhodder “rheoliad 8(1)(ch) i (e)”.
- (5) Ym mharagraff 14(b)(i) yn lle “rheoliad 8(1)(b) i (d)” rhodder “rheoliad 8(1)(ch) i (e)”.
- (6) Ym mharagraff 14(c)(i) yn lle “rheoliad 8(1)(b) i (d)” rhodder “rheoliad 8(1)(ch) i (e)”.

Diwygio rheoliad 11 o'r prif Reoliadau

5. Yn rheoliad 11(3) o'r prif Reoliadau (ad-dalu ffioedd) yn lle “rheoliad 8(1)(d)” rhodder “rheoliad 8(1)(e)”.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(4)

28 Mawrth 2006

D. Elis-Thomas
Llywydd y Cynulliad Cenedlaethol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio ymhellach Reoliadau'r Gwasanaeth Iechyd Gwladol (Ffioedd am Gyffuriau a Chyfarpar) (Cymru) 2001 ("y prif Reoliadau") sy'n darparu ar gyfer codi ac adennill ffioedd am gyffuriau a chyfarpar sy'n cael eu cyflenwi o dan Ddeddf y Gwasanaeth Iechyd Gwladol 1977.

Mae rheoliad 2 yn rhoi paragraff (1) newydd yn rheoliad 8 o'r prif Reoliadau (esemptiadau) sy'n cynnwys darpariaeth i ddynodi terfyn i'r esemptiad sydd ar gael rhag ffi ar gyfer y personau hynny o dan 25 oed i'r personau hynny sy'n cyflwyno ffurflen bresgripsiwn Gymreig neu swp-ddyddiad ynglŷn â phresgripsiwn amlroddadwy Cymreig ar gyfer ei weinyddu yng Nghymru.

Mae'r diwygiadau eraill a wneir gan y Rheoliadau hyn yn ganlyniad i fewnosod y paragraff (1) newydd yn rheoliad 8 o'r prif Reoliadau.